

小

腆

紀

年

小腆紀年增攷卷第十四

前翰林院檢討加詹事府贊善銜六合徐鼎撰

丁亥我

天

清順治四年春正月

明永曆元年魯監國二年海上朱成功稱隆武三年

癸卯朔明桂王在梧州

王在梧江舟次免朝賀時戶部尚書吳炳官詹方以智朱

天麟郎中吳貞毓給事中唐誠御史程源中書吳其嵩洪

士彭錦衣衛馬吉翔司禮監龐天壽皆從尋自梧州山府

江泝流北上兵衛寥寥知府陸世廉惟募挽舟人以進

日攷

粵事記云唐誠湖廣人癸未進士吳其嵩宜興人洪士彭甯國人陸世廉蘇州人

明監國魯王在長垣

戊午我

大清兵取肇慶明兩廣總督朱治澗棄城走

時廣東地盡失龍門破里人廖翰標以二幼子託父自縊
死番禺破里人梁萬爵赴水死翰標天啓中舉人知江西
新城縣廉惠民爲建祠萬爵隆武時舉人

明大學士瞿式耜奉桂王奔平樂丁魁楚走岑溪王化澄走
潯州李永茂晏日曙走博白

王發梧州魁楚惑於奸弁蘇聘之說密款於李成棟移舟
西入岑溪化澄攜中樞印入潯州永茂日曙走博白護蹕
者惟式耜一人

明前都御史張家玉舉人韓如璜起兵復東莞

家玉字子元東莞人崇禎癸未進士授庶吉士闖賊之陷北都也家玉被執不能死賊敗南還以薦賢於賊被逮南都亡脫歸從隆武帝入閩擢翰林侍講監鄭彩軍出杉關

王師至彩奔入關家玉走新城與知縣李翱共城守中矢墮馬折臂走入關尋以右僉都御史巡撫廣信募兵惠潮間說降山賊數萬將赴贛州之急而汀州變聞乃還與如璜結鄉兵攻東莞知縣鄭霖降藉前尙書李覺斯家貲以犒軍甫三日而

王師至家玉敗走如璜字姬命亦東莞人

明兵科給事中陳邦彥起兵攻廣州不克

邦彥字令斌順德人爲諸生意氣豪邁南都立詣闕上政

要三十二事格不用隆武帝讀而偉之即位投監紀推官
未任舉於鄉以蘇觀生薦改職方主事監廣西狼兵援贛
州至嶺聞汀州變勸觀生東保惠潮不聽王之監國肇慶
也觀生遣之入賀甫謁王於梧州而觀生又立聿錫邦彥
不知也夜二鼓王遣中使十餘輩召入舟中王太妃垂簾
坐王西向坐丁魁楚侍語以廣州偕立事邦彥請急還肇
慶立大位以繫人心且云彼強我弱以戰則非計彼曲我
直以和則非名警報日迫彼若知懼必來求成不然則粵
東十郡我居其七委其三於彼以代我受敵我復從而乘
其敝不亦可乎王大悅立擢兵科給事中令齎敕還諭觀
生及入境聞殺使臣事乃變姓名高明山中初萬元吉

遣族人萬羊募兵於廣得余龍等千人未行而潯州失龍等無所歸聚甘竹灘爲盜他潰卒多附之至二萬餘既聞王師克肇慶王自平樂走桂林勢危甚邦彥乘間說余龍圍廣州而已發高明兵由海道入珠江與龍會遣書張家玉曰桂林累卵但得牽制毋西使潯平間可完葺是我致力於此而收功於彼也家玉以爲然龍焚我水師百餘艘直抵廣州李成棟聞亂返救揚言取甘竹灘龍卒素無紀律且顧其家輒引退邦彥亦卻歸

癸亥明桂王由平樂如桂林加瞿式耜太子太保遣使慰勞定興侯何騰蛟趣其兵入衛

成棟還救廣州故乘輿得達桂林瞿式耜分部守禦諭誠

各路征鎮曰粵西居山川上游敵不能仰面攻明矣兵士雲屯湖南北南甯太平出滇柳州慶遠通黔左右江四十五洞土狼標勇警國家威惠三百年悉受銜驟足資內備願諸君勉之時朝廷新創式帑修綱紀布威武抑權闖招俊傑一時倚以爲重

乙丑我

大清兵取高州雷州廉州

李成棟既克肇慶別遣將下高雷廉三府

明 林舉賢陳耀起兵潮惠二州

辛未我

大清兵取梧州明廣西巡撫冒煒降蒼梧縣丞巫如衡死之

王師取肇慶蒼梧知縣高思夔作一大木龜令牽之號於路曰
降敵者似此及佟養甲李成棟兵薄梧州巡撫曹燁歙縣
人以春秋獲雉者也與櫬肉袒牽羊以迎曰燁不知天命
不早事君使君懷怒以及下邑燁之罪也若罪不赦俘諸
軍惟命使得自新君之惠也成棟笑而釋之兵入城思夔
書燁姓名於木龜置諸堂遁去

攷曰本東
明開見錄

時官屬皆稽首

授印綬如衡獨持印不與再三論不屈乃遇害如衡字宗

岷甯化人

攷曰木
寒文集

降將李成棟殺明丁魁楚於岑溪

先是魁楚聞廣州破遣所親齎金寶密款於成棟故魁楚
恃以無恐載囊橐四十船西入岑溪既所親達魁楚意成

棟僞許之且手書答焉魁楚意大安移舟五里迎之成棟握手恨相見晚謂明日吉期煩先生攝兩廣篆邀魁楚父子痛飲而別夜半忽令旗召之入見則成棟戎服升帳列炬交然魁楚知事已變叩頭乞一子或不及妻孥成棟笑令先斫其子次及魁楚分其脊口每營一人獲精金入十四萬惟一妾投江死焉

徐鼎曰魁楚降矣何以不書降存疑也諸書亦有謂魁楚戰死藤江者故疑事無質焉

明湖南道副使陳象明與

大清兵戰於梧州之榕樹潭敗績死之

象明字麗南東莞人崇禎戊辰進士由戶部王事出知饒

州府忤巡按御史被劾謫兩浙鹽運副使累遷湖南道副
史何騰蛟令徵餉廣西象明因檄調土兵與陳邦傳連營
東至梧州與

大兵戰於榕樹潭敗死

攷曰此於月日不可攷姑以事次之梧州破後

我

大清兵取平樂明布政使耿獻忠降守將陳邦傳走南甯

獻忠陝西人初爲金華府同知與朱大典共城守至是竟
降

明潯州守將李明忠降於我

大清

明宗室朱容藩以罪削職尋復其官

兵科程源者四川人也與容藩交甚懽謂之曰川中諸將
兵不下數十萬吾兩人各請總督之職公督東北我督西
南賊不足平也容藩喜具疏請之加源太常寺少卿經理
三省容藩兵部右侍郎兼右僉都御史總督川東軍務及
王移蹕桂林容藩覬覦入閣受命不卽行私屬給事中唐
誠疏劾丁魁楚私逃謂扈從單弱如容藩程源皆擁戴重
臣不宜出外王怒削容藩職將誅之容藩賂內監龐天壽
言之太后謂王曰變亂以來室宗凋零容藩罪不至死毋
過求王不得已赦之復其官容藩遂入四川程源入貴州
明監國魯王以熊汝霖爲東閣大學士

明監國魯王以張煌言爲右僉都御史

明監國魯王誓師長垣提督楊耿總兵鄭聯以兵來會進鄭

彩建國公張名振定西侯楊耿同安伯鄭聯定遠伯周瑞闓

安伯周鶴芝平彝伯阮進蕩湖伯改日紀畧撫遺者其云

義行朝錄汪光復航海遺閩則張名振部將封蕩湖伯者名

阮進辛卯八月舟山蟬頭門之戰進投水死亦日被擒九月

王師破舟山以巴成功守之乙未冬延平王朱成功遣吳

義伯阮駿總督陳六御圍舟山巴成功降明年八月王師

復取舟山阮駿赴海死是辛卯八月死舟山者為阮進丙申

八月死舟山者為阮駿諸書或誤以蕩湖伯為阮駿者蓋進

與駿音相近又同為舟山赴海死之人傳聞異詞無從辨別

今以航海遺閩攷之則魯王之監國舟山也阮進爵太子少

傅進姪阮美阮駿阮駿俱以英義將軍為左都督辛卯王

師遁舟山會議拮禦之策則阮進獨當定關阮美阮駿退南

師阮駿阮駿斷北洋事跡較然可考駿蓋進之子

明魯平彝伯周鶴芝復海口以參謀林霱舞總兵趙牧守之

鶴芝改日行朝錄作崔芝按崔號九京福清人初為海盜

乃崔字之譌俗省鶴作崔

不與已尸

久之受撫以黃華關把總稽查商船乙酉秋隆武帝加水
軍都督副黃斌卿駐舟山將乞師日本斌卿阻之鶴芝怒
而入閩鄭芝龍之將降也以晉招鶴芝計事至則降已決
鶴芝與監軍朱永祐流涕諫不聽鶴芝曰某海隅亡命耳
無所輕重所惜明公二十年威望一朝墮地爲天下笑請
得効死於前不忍見明公之有此舉動也抽刀自刎芝龍
起而奪之數日芝龍竟北去鶴芝乃移駐海壇與張肯堂
出師復海口鎮東二城以趙牧林箴舞守之

明
國魯王以前僉都御史劉中藻爲兵部尙書兼東閣大
學士

初中藻宣諭浙東還至金華朱大典薦其才隆武帝召對

稱旨擢右僉都御史巡撫金衢團練獠民聞事敗竄入括
蒼糾衆攻慶元泰順壽甯福安甯德古田羅源七縣守之
請命監國進兵部尙書兼大學士中藻善撫循激勸富人

出財佐餉士卒樂爲之用鄭彩心思之中藻亦不爲之下

遂有隙

汝曰泰順縣志順治五年巨寇僞太師馮生舜率黨楊球鄭訓等萬餘陷城我知縣張聯標死之

城四閱月始去按李世熊畫網巾先生傳云或指爲馮舜生馮舜生當卽馮生舜因與中藻時事相涉故福甯府志又以畫網巾爲中藻子思沛也此蓋同時事附志之

明孫守法退屯石子城

獻賊餘黨陷明遵義

初督師王應熊與巡按瞿景駐遵義孫可望兵逼應熊遁
入畢節衛泉走眞安州賊入遵義奉僞皇后陳演女爲主

駐桃花洞既而

王師克重慶乃焚賊后拔營走貴州

二月壬申朔明監國魯王圍海澄

癸酉明監國魯王攻漳州不克總兵陳國祚戰死

甲戌我

大清兵救海澄明監國魯王退入於海

丙子明福建人洪有楨

攻日諸書皆作洪有文同安阮錫文陽春有稟洪亮士傳云諱有楨今從

之起兵復漳浦縣城尋陷死之

有楨字亮士嘉禾里人也

攻日諸書亦曰饒州人

早歲工書賈人持

售外國得重價蓋醉謹儒生也忽從俠客糾海邊壯士數

百人入據漳浦魯監國嘉之卽以爲令守之未幾城復陷

被執曠目罵下絕磔於市懸其頭於城之東門數日色不變一卒投諸濠中夜狂叫若有擊之者乃羅拜而經之同時有楊淩者亦不屈死

攻日本久
楊察臺

明

賴天肖起兵潮州殺降將文貴陳虎余成隆

明

陳順簡信起兵韶州 蘇來起兵惠州 黃奇

策起兵新會

徐鼎曰爲里不可攷則闕之

明徵前禮部尙書文安之前大學士王錫衮入關道阻不至乃以翰林學士方以智爲東閣大學士

安之夷陵人天啓壬戌進士授庶吉士歷官南京司業崇禎中遷南京祭酒爲薛國觀所構削籍歸南都起詹事闕

中拜禮部尙書安之方轉側兵戈間皆不赴錫衮祿豐人
與安之同年進士授庶吉士崇禎中累官少詹事十三年
擢禮部右侍郎尋掌部事調吏部十六年以憂歸閩中拜
禮部尙書兼東閣大學士至是申前命與安之同入閣道
阻皆不至安之於庚寅六月謁王梧州事見後錫衮乃死
於沙定洲之難攷曰明史謂定洲執錫衮至會城詭草錫衮疏請以定洲代監國公鑰雲南疏既行而以稿示錫衮大恨懇上帝赦死數日憂憤卒而釋官家亦謂錫衮起兵討定洲兵敗被殺未知孰是以智字密之崇禎庚辰進士官檢討北都陷爲賊所掠瀕於死
南都馬阮當國歎曰是尙可爲邪褫衣散髮賣菜五嶺間
隆武帝召之不赴是時以翰林學士知經筵命入閣辦事
以智知不可爲乃爲僧去

明召周堪廢爲戶部尚書不至

明召郭都賢爲兵部尚書不至

都賢字天門益陽人天啓壬戌進士歷官江西巡撫賊陷吉安袁州被議棄官入廬山宏光時史可法薦授南京操江不赴可法故都賢會試分校所得士也至是以兵部尚書召而都賢已祝髮浮邱山號頑石又號些菴茹苦行腳流寓沔陽都賢博學精畫繪尤工詩多爲鄉人所傳然竟以詩累客死江陵之承天寺

臣鼎曰沅湘耆舊集云洪承疇之革職也都賢奏請起用承疇德之後歸

朝奉

命經畧西南謁都賢於山中餽以金不受請以其子爲監軍亦不許是都賢立身有本末灼然可見而世有以他端議之者亦刻覈之論哉

明召劉遠生爲刑部尚書

明以丁時魁金堡爲給事中

時翟式起收召人望疏請道里之可達行在者丁時魁論

新政金堡有清直聲故有是命

徐嘉曰侍郎以下升擢悉不書給事中何以書爲五虎亂

政張本也

明以舉人王夫之爲行人司行人

夫之字而農號薑齋衡陽人崇禎壬午偕兄介之舉於鄉

以瞿式耜薦授行人轉徙楚粵滇黔間緬甸旣覆隱孫
以終學行詳紀傳

徐顛曰行人微者也何以書賢夫之也同時顧炎武黃宗
羲傅山李容諸碩儒爲世宗仰夫之學業相與頡頏而衡
陽地僻絕人逃世不得與顧黃諸公通聲聞故知之者絕
少而雞鳴不已鶴和在陰葯房荷屋之中芟衣蓍裳之侶
同心之子不乏其人如夏汝弼唐端笏劉惟贊陳五鼎陽
鍾周士儀章有謨諸人者雖成就不皆可傳要皆抱殷頑
之戚守漢臘之遺鄭所南謝皋羽之流蓋其選也紀傳之
作其亦弗獲已夫

己卯明監國魯王遣兵攻福州不克

壬午月掩嵐星於東井

明祥守法退屯石龍谷

明陳邦彥遣兵復順德

邱彥造其門人馬應房以舟師會余龍取順德

攷曰陽秋應房亦作

應房

明監國魯王遣兵攻興化不克

守將張應元故降將也出城逆戰海師敗走

明劉承胤以兵入衛駐全州

承胤南都人酣酒有膂力號劉鐵棍以征蠻獠功累官至

副總兵何騰蛟之受闕賊餘黨降也題授總兵官鎮武岡

丙戌七月隆武帝封爲定蠻伯漸驕恣不奉正統年正月

王奔桂林承胤具疏迎駕兵科給事中劉堯珍以事過武岡語不合承胤拳毆之指揮張同做御史傅作霖責之曰爾具疏迎駕而得罪朝紳何也承胤乃具酒請罪其後謁王於全州倨侮無人臣禮御史瞿鳴豐疏劾之次日朝退承胤指都御史楊喬然曰汝任風憲長言官妄言汝不能表率要汝何爲喬然與之爭至裂冠毀裳初亦以爲武人麤鹵無足責且嘗逐擅權之司禮太監王坤而面叱周鼎瀚爲奄寺鼻息故或以此多之

攷曰本武岡播遷始末

丙戌明桂王幸全州瞿式耜疏止之不聽

平樂報至司禮王坤又趨王幸楚式耜疏諫畧曰上不幸楚楚師得以展布半年之內三四播遷兵民狐疑局促如

飛瓦翻手散而覆手合上在粵則粵存去粵則粵危我進一步則人亦進一步我去速一日則人來亦速一日故楚不可遽往粵不可輕棄今日勿遽往則往也易輕棄則入也難且海內幅員止此一隅以全盛視粵西則一隅似小就西粵懷中原則一隅甚大若棄而不守愚者亦知拱手送矣不聽

明進瞿式耜文淵閣大學士兼吏兵二部尙書留守桂林以新興侯焦璉兵隸之

式耜知駕不可留請身留桂林疏請暫蹕全州以扼楚粵之中已而警報狎至王趣式耜治裝從行式耜謝曰君以仁臣以義臣奉命守此土當與此土共存亡於是從官皆

行式耜獨守

攷曰陽秋次此事於三月於事不合今從紀畧

明晉劉承胤爲安國公

明命思恩侯陳邦傅守昭平

邦傅處州人崇禎末爲廣西總兵隆武二年掛征蠻將軍

印是時命以所部守昭平

攷曰本西粵新書

明以禮部右侍郎吳炳兼東閣大學士入閣辦事

炳宜興人萬曆丙辰進士授蒲圻知縣歷官江西提學副使江西失流寓廣東以禮部右侍郎召尋命以本官兼大學士入閣

癸巳明監國魯王遣兵攻福清不克

圍城三日守將張心裕亦降將也出北門逆戰海師敗走

乙未明林舉賢陳耀攻廣州不克

丙申我

大清兵取長沙明何騰蛟走衡州

知縣王宸縣丞楊日新降騰蛟單騎走

我

大清兵取湘陰明守將王進才大掠而遁

明督師何騰蛟檄諸鎮援長沙不至黃朝宣走衡州

時諸鎮復起而爲盜朝宣父子尤甚劫人每剝其皮湘鄉

舉人龍孔蒸嘗拒獻賊僞命者奉母避山中與友人洪業

嘉同及於難

獻賊餘黨昭貴陽明布政使張耀在籍前與甯知縣吳子騏

等死之

耀字融我三原人萬曆中舉於鄉由知縣歷官貴州布政
使得民心賊渡烏江守將定番伯皮熊走都勻耀言於巡
撫米壽圖請發民兵守禦壽圖以衆寡不敵難之俄賊掩
至壽圖走沅州耀率家衆乘城拒擊城陷被執孫可旺說
之曰公秦人也若降當位宰輔耀怒言不屈械其妻孥於
前曰降則一家免死耀罵愈毒乃殺之一家皆慘死子騏
貴陽人也亦萬曆中舉人聞可旺將至偕邑紳劉瑄楊元
瀛率鄉兵扼之要路力竭被執俱不屈死瑄字子佩官主
事元瀛字蓬山官同知並鄉薦起家同時殉難者戶部郎
中譚先哲兵備參議石聲和俱平壩衛人或曰聲和死於

安順子吉諸生也殉之

攷曰本
殉節錄

獻賊餘黨陷定番州明兵備僉事曾益死之

益臨川人以貢生特用歷官司務主事遷兵備僉事貴陽陷走定番州與按察使唐勳調土兵守城藥箭射賊將張能奇幾死賊紿之曰與我斗酒卽退去城中以爲怯也守稍懈賊乘之遂陷益闔門死難弟斌爲蒲圻令亦死於賊或曰益死於安平

攷曰本楊在袁
獻忠亂蜀始末

又有顧人龍者州人也致仕家居冠帶登埤被執罵賊死

獻賊餘黨陷永甯州明知州曾異撰死之

異撰四川榮昌人舉於鄉知永甯州可旺旣陷貴州將長驅入雲南異撰與其客江津進士程玉成貢生龔茂勳謀

曰州據盤江天險控扼滇黔棄之不守非人臣義也集衆

登埤城陷異撰闔室自焚死王成茂勳投火死自是黔西

諸郡望風瓦解

攷曰技明有兩會異撰文苑傳中之會異撰福建晉江人也忠義傳中之會異撰四

川榮昌人也俱崇禎時舉人南疆釋史誤爲一人大謬

三月壬寅朔明孫守法復甯州

守法復與高勛等破甯州拔興安之蕎麥山

甲辰我

大清兵復取順德明陳邦彥退據下江門

李成棟再取順德馬應房戰死敗余龍於黃連江焚舟數

百龍亦歿邦彥乃棄高明收餘衆據下江門

丁未明

賴熊復建陽

戊申明瀏陽伯董英降於我

大清

乙卯我

大清兵攻桂林明留守大學士瞿式耜率總兵焦璉禦之

王師從平樂長驅入桂林虛無甲兵式耜檄召焦璉於黃沙鎮璉率騎三百人赴之時山水汎溢士卒從水中行百里水及馬腹至江得漁舟二艘次第渡之以初十日薄暮抵留守府式耜拊背勞之明日遣人於太壩運糧而

王師數萬猝至一卒倉皇奔報氣急舌結手東西指式耜笑曰敵兵至邪何張皇若是俄數十騎乘虛突人文昌門登樓瞰留守署矢集式耜綸巾式耜叱曰何敢爾呼焦璉璉袒

背控弦提刀至發數矢應弦倒璉士卒閉城門

王師之入城者不得出繞城走璉復殺數人乃乘馬越城下璉
麾三百人開門追之

王師自渡江來未有抗衡者見璉出方錯愕而璉引騎直貫其
營左右衝突自寅至午斬首數千級衝

王師爲三已復合而圍之璉復大呼入戈刃所及血雨肉飛諸
將白貴白玉亦開城出追奔數十里桂林獲全論者謂南
渡以來武功第一

明劉承胤遣兵援桂林

王師屯陽朔遍野皆雜髮降翟式耜與焦璉困守孤城承胤雅
重式耜發兵數千援桂林

戊午明張家玉再復東莞

先是韓如璜驍死家玉走西鄉祖母陳氏母黎氏及妹石寶俱赴水死妻彭氏被執不屈死西鄉大豪陳文豹奉之會故南海指揮安宏猷與訓導張治亦起兵襲東莞殺典史張元鼎知縣鄭濠白糴乘勝遂取新安

按曰按行在陽秋家玉與西鄉

陳邦策屯兵白石邦策當是文豹別名

己未明魯周鶴芝攻閩安

明兵部尚書詹兆恆攻開化不克死之

兆恆出懷玉山攻開化降將李榮逆戰於馬嶺敗死

甲子明林質復德化再攻建陽敗死

降將蔡應科逆戰質戰敗被執死之

明石屏副將龍在田乞師於獻賊餘黨孫可旺可旺遂以衆入雲南

初張獻忠之起陝西也養孫可旺艾能奇李定國劉文秀爲子可旺本名旺兒米脂人幼無賴爲人執鞭數日返不見其母訟其鄰人於官官怒曰汝未以母託鄰人汝母自他適安所知因杖之可旺逃而爲賊久之遇獻忠狡黠善伺人意故獻忠尤喜之衆賊呼爲大哥旣入蜀可旺以平東將軍稱東府定國以安西將軍稱西府每遇敵可旺能屬所部堅立不動號一堵牆獻忠死可旺與定國能奇文秀率餘衆破踣江遵義入貴州時在田苦沙定洲之亂遣使告急於可旺可旺因詐稱黔國焦夫人弟來復營滇人

延頸望之而不知其爲賊也

臣竊曰佚史從春秋書盜之例雖闖獻巨寇皆不名可旺何以名春秋進吳楚之例也其入滇也在田召之歸明也明封之歸我

世祖也亦不得已而臣之烏得而不名哉獨居窮山放虎自衛在田實自貽之戚矣

孫可旺大敗沙賊於革泥關

定洲聞可旺來解楚雄圍逆戰於革泥關大敗遁歸阿迷其部將李阿楚駐臨安可旺使李定國分兵襲之穴地置礮崩其城阿楚赴火死城中士民悉被屠可旺乃使定國徇迤東而自與劉文秀西出

孫可旺屠明曲靖巡撫羅國瓚右僉都御史朱壽錡知府焦潤生推官夏衍虞死之

國瓚嘉定人崇禎癸未進士衍虞江津舉人潤生上元舉人修撰茲之子也同被執不屈死前通判朱壽錡時以右僉都御史奉差募兵亦不屈從容賦絕命詩死

孫可旺陷明南甯知縣陳六奇死之

六奇字鳴鸞龍江衛人萬曆戊午舉人初知景陵縣以廉平稱移知南甯城破被殺於東門

孫可旺屠明霑益

孫可旺陷明廣通在籍前渾源州同知張朝綱死之

朝綱與妻馮氏同縊死子耀葬親訖亦縊死

明姚州知州何思舉人席上珍金世鼎起兵拒孫可旺不克死之

賊既逼上珍與世鼎謀起兵拒之散家財募壯士二萬人與知州何思率以乘城繕備未周賊將張虎掩至一戰而敗世鼎自殺思及上珍同被執可旺欲降之上珍厲聲曰我大明忠臣豈屈於賊邪罵不絕刃其口罵益厲可旺怒剝其皮思亦不屈死

孫可旺陷明武定同知楊于陸死之

于陸劍州舉人

孫可旺陷明師宗署知州徐道興死之

道興睢州人以經歷署師宗州事曲靖被屠道興集士民

謂之曰城守子衆曰力薄兵寡何以禦之曰然若等何罪
徒膏兵刃速去毋顧我我死分也士民請與偕厲聲曰失
守疆土安所逃死衆灑淚去出白金二錠授其僕曰此俸
金也一以賜汝一買棺殮我僕哭請從死曰爾死誰攻我
骨舉酒自飲賊令迎其將擲手中酒杯擊之曰吾朝廷命
吏冒從賊求活邪遂被殺

明右僉都御史雲南巡撫楊畏知拒孫可旺於祿豐可旺受
約

畏知領兵出祿豐拒戰於獅子口身中三矢敗至啓明橋
投水不死踰而罵可旺以畏知同鄉甚重之下馬慰之曰
聞公名久吾爲討賊來公能共事相與匡扶明室非有他

也畏知瞪目視之曰給我耳可旺請折箭以誓畏知曰果爾當從我三事一不得仍用偽西年號二不得殺人三不得焚廬舍淫婦女可旺許諾乃偕至楚雄定大理迤西八郡免屠戮者畏知力也

孫可旺移檄永昌明署金騰道王運開署知府劉廷標不屈死

運開字子駟夾江人崇禎庚午舉人以推官署金騰道廷標字霞起上杭人以通判署知府可旺既受楊畏知之約乃移檄永昌迎沐天波歸省並索道府印時運開廷標方守瀾滄江拒戰天波止之諭其以印往兩人曰印往則我亦降也賊言何可信哉乃遣家屬避騰越運開有弟運闈

字子遠崇禎壬午舉人時方在署運開謂之曰弟未仕可
無死將吾妾俱西勿在此亂人意士民懼不降且屠請運
開慶事哭運開慰遣之則又詣廷標廷標曰賊伎倆吾素
知之他城之降而屠者屢矣無益也衆哭益甚廷標取毒
酒將飲衆如散是夕運開先自經廷標歎曰男子哉我老
當先死王公乃先我邪遂沐浴賦詩三章亦自縊效曰寒

廷標臨絕題幅巾自序曰後死罪臣劉廷標附之上

支某載

早孤赤貧服先嚴遺訓守嫺母誌言歲於二十六年中九舉

秋闈三副鄉榜崇禎庚辰由徵辟試示嘉丞用三陟信薦

轉補永昌通判甲申秋署府篆是臘按先皇帝哀已分

一死猶謂尙有社稷民人勉爲守土庶犬馬殘喘猶存或

精衛銜泥堪効不虞天未厭亂覆亡可需赤社將傾難面

父老於隆中素練自裁敬從先帝於地下諫無當於晚節

聊不昧其初心云爾後爲詩三章有三載偷生漸矣死今

亡猶是大明臣可旺賢兩人之死求其後或以運開對召

之行至潞江語僕曰此行將臣賊吾與兄豈異趣哉若收
吾骨與吾兄合葬題曰夾江王氏兄弟之墓吾無恨矣遂
躍入江死初可旺入楚雄舉人杜天楨題西城樓曰滿城
毛角不識春秋大義千秋電火難灰亂賊惡名亦自溢死
既而畏知聞運開廷標亦死歎恨曰吾明決愧三君將來
多一番磨折矣

李定國掠河西明在籍巡撫僉都御史耿廷錄死之

定國既克臨安將襲沙定洲於阿迷聞晉甯有警乃盡掠
臨安子女而還過河西廷錄赴水死妻楊氏被執不屈亦
見殺

明晉倫舉人段伯美呈貢諸生余繼善耿希哲起兵拒李定

國城陷晉甯知州冷陽春呈貢知縣夏祖訓及伯美等皆死之

昆陽孔師程者以從軍得官衆服其雄伯美等之舉兵也推以爲主及定國來攻師程泛舟先遁城破晉甯知州石阡冷陽春呈貢知縣嘉興夏祖訓與伯美等並死之同時殉難可紀者富民陷在籍知縣陳昌裔不受僞職爲賊杖死貢生李開芳與其友王朝賀自經死臨安陷進士廖履亨赴水死

明江川知縣周柔強率兵拒李定國於撫仙湖敗績死之

一軍盡殲迤東諸郡屠戮甚慘

徐鼎曰孫李之由蜀而黔而滇也月日不可攷以諸書參

校之則由蜀而黔也二月以前由黔而滇則三月也迤西諸郡可旺事迤東諸郡定國事故以類次之孫李等夷也胡不云獻賊餘黨李定國哉嘉其有終故諱之也

夏四月江西大旱

壬申朔明進張家玉兵部尙書兼副都御史提督嶺東軍務聯絡漳湖

王師攻新安戰於赤岡家玉敗走陳文豹等皆死李覺斯怨家玉甚發其先壘滅其族邨市爲墟家玉過故里號哭而去生平任俠好擊劍多草澤豪傑交所至輒能得衆途次又得數千人於是年七月取龍門博羅連平長甯攻惠州克歸善還屯博羅

癸酉我

大清兵取明衡山縣

乙亥我

大清兵取明瓊州

明封錦衣衛郭承昊馬吉翔嚴雲從爲伯革御史毛壽登劉

湘客吳德藻

攷曰毛壽登疑卽毛壽敦吳德藻疑卽吳德操蓋字之譌

萬六吉職劉承胤

遂劫桂王如武岡

劉承胤請封承昊等爲伯壽登駁之曰金吾無矢石功何得援邊鎮例晉爵吉翔等疑疏出劉湘客其黨周鼎瀚遂造蜚語爲董卓灌汜之議激承胤逼王立下廷杖旨縛壽登等於行在午門外諸臣申救得免仍落職承胤益橫遂

劫王如武岡瞿式耜疏請留蹕全陽曰聞郊祀禮成卽圖
移駕不知將回桂林邪抑幸武岡辰沅邪夫皇上原以恢
復西粵爲心則不徒西粵未恢未可移駕卽東粵未恢亦
以駐全爲得策也王制於承胤不能用承胤之喉杖壽登
等四臣以四臣有還蹕桂林之議也攷曰明史稿南疆釋
史武岡播遷始末謂
王以三月幸武岡東明附見錄以爲五月今參考行在閩
秋粵紀諸書蓋承胤以四月劫王播遷至五月十四日甲
寅始改武岡
爲奉天府也

明太常寺卿潘應斗棄官去

應斗字章辰武岡人崇禎癸未進士南都立陳時政爲阮
大鍼所扼投廣東萬州知州王之建國肇慶也授御史改
吏部郎中尋加太常寺卿見承胤亂政度不能抗乃棄官

去與弟禮部主事應星誅茅威溪之麓著述唱和襄發不
給晏如也應星字夢白嘗判股愈父疾人稱孝焉

徐蕭口繫之杖御史後何鴻飛冥冥弋人何寡君子所以
見機而作歟同時有管嗣裘鄒統魯二舍人亦楚人士之
不辱其身者詳見紀傳

己卯降將孟喬芳以我

大清兵克興安明孫守法死之

總督孟喬芳伏甲深林以輕騎誘守法出擒之守法執鐵
鞭格殺百十人乃死喬芳故降臣也

辛巳我

大清命降將孔有德耿仲明尚可喜分道取湖廣

孔有德耿仲明尚可喜三人皆以驍勇善鬪事毛文龍文龍養爲孫有德名毛永詩仲明名毛有傑可喜名毛永喜莊烈帝既殺毛文龍三人皆自皮島歸我

大清有德封恭順王仲明懷順王可喜智順王既從

世祖入關定天下順治六年有德改封定南王仲明改靖南王可喜改平南王所謂三王也是時奉

命征湖南

癸未我

大清兵取衡州殺黃朝宣

臣肅曰不曰朝宣死之何朝宣之殘賊甚於寇不得以死節書也不曰殺明黃朝宣何絕之於明也

甲申白虹貫日

我

大清兵取永州明盧鼎走道州

鼎初守衡州而張先璧兵突至大掠鼎不能抗走永州先璧乃挾騰蛟走祁陽走辰州騰蛟還走永州

天兵至鼎部將復大掠走道州

明督師何騰蛟退駐白牙市兵部右侍郎章曠退駐東安明王允成走辰州馬進忠走沅州郝永忠走道州

時湖南州縣瓦解署臨武知縣李興璋巴陵人偕其父赴省請援其母止之勿顧全家皆遇害後隨章曠赴衡陽以抗節死

丙戌降將吳勝兆謀以松江叛我

天清復歸於明事覺伏誅明戶部侍郎浙直總督沈廷揚兵部

右侍郎左都御史陳子龍兵科給事中楊廷樞等死之

勝兆提督松江長洲諸生戴之雋者楊廷樞門人也教勝

兆叛陰遣人約舟山黃斌卿

攷曰三藩紀事本末謂教勝兆者爲周謙故長白蕩來降

也合力取南都斌卿猶豫不欲應時侍郎沈廷揚定西伯

張名振監軍張煌言皆在斌卿所爭勸之斌卿乃以故所

封伯印授勝兆期於是月十五六日以海師會之名振請

以所部行邀廷揚爲導廷揚曰兵至必以崇明爲駐劄地

禁打糧然後可名振許之至崇明食盡違約登岸舟泊鹿

苑五更颶風大作軍士溺死者過半

王師逆之岸上合呼雜髮者不死海師遂大潰十五日勝兆以
事洩殺告變之海防同知楊之易推官方重朗而下令人
海急翼日海師之必至也使中軍詹世助都司高永義偵
之而海師已於十四夜潰世助永義登城望烽火寂然遂
變志反兵相向矯令召其所親信盡殺之之傷亦死執勝
兆送江甯總督洪承疇窮治其獄詞連子龍廷樞子龍亡
命同諸生夏之旭奔嘉定告急於侯峒曾之弟岐曾偕其
僕劉訓家已遷崑山顧咸正所當事蹤至嘉定執岐曾別
遣兵圍咸正家遂獲子龍鎖舟中泊跨塘橋下子龍乘間
躍水死及曰橋人均弔子龍詩云舟出吳淞烟水遙黃門
懷石此塘橋並江境所述會潮之古文之則陳公
之沈水死未就訊也無疑而侯方域詩注謂當事者執之
子龍曰何必訊事皆有之但未得就耳不屈死力域爲子

龍好友其言似
非無據俟攷
廷樞字維斗吳縣諸生天啓朝顏佩韋五

人之難廷樞實倡之佩韋等死而廷樞獲免舉崇禎庚午

應天鄉試第一國變隱居鄒尉山浙東遙授翰林院檢討

兼兵科給事中既以之雋株連被逮慨然曰予自幼慕父

信國之爲人今日之事素志也舟中書血衣並詩以遺其

孤攷曰血書畧曰惜時命之不猶未登朝而食祿值中原

方隱逝夫山椒忽陷罹於羅網雖云突如其來亦已知之

稔矣但因報國無能悛忠未展終是人臣未竟之事尚孤

累朝所受之恩云云詩十二首佚其六詩曰人生自古誰

無死招取丹心照汗青正氣千秋應不散於今重復有斯

人浩氣凌空死不難千年血淚未曾乾夜來星斗終天燦

一盞忠魂在此問社稷傾頽已二年偷生視息又何顏
今請氣還天地方信平生不苟然嘆息當山有古澤日星
照洞貫空中子規啼血歸來後夜半鐘聲遠寺鐘有妻
曾死同歸有女空貞志不移不是一番同患難誰知問闕
自奇兒近來賣國者鬚眉漸送河山更可悲寺有一家如

母女綱常猶自賴維持
以上許南畧及史外
五月朔大帥會鞠於泗州寺巡撫

重其名欲生之命之雍頭廷樞曰砍頭事小雍頭事大乃

擁出至寺橋臨刑大聲曰生爲大明人刑者急揮刀首墮

地復曰死爲大明鬼監刑者咋舌乃禮而殯之同時被禍

者推官顧成正及其子諸生天達天遠夏之旭夏完淳侯

岐曾徐爾毅錢梅等數十人咸正字端木咸建兄也崇禎

癸未進士爲延安推官時以子天達天遠世子龍彼逮洪

承疇問曰汝知史可法在乎不在乎答曰汝知洪承疇死

乎不死乎乃父子同見殺之旭字元初允義兄也以諸生

貢於廷有聲官兵捕之乃縊死文廟復聖顏子位旁

攷曰之妃

遺令云余自舍弟殉節卽欲偕死彼以孤寡見託未忍也
然不向城市坐者兩年於茲矣今者吳鎮効忠一時趨附

後事不密變且中作搜求餘黨坐以叛名嗟乎新朝之所謂叛乃故國之所謂忠也夫何傷哉余幼讀聖賢書今死聖賢地夫亦死於聖賢之教非死於法也其詩曰嗟予薄祜少遭不造皇路多虞撫膺思報穰穰國人藩之垣之備端縲綖批章白之余一介儒會審天顏歲寒之義至死勿遷仲也懷沙身無貶屈惜哉以子何不早決故君曰逝故友云亡吾將安歸敬附首陽從容自引魯壁完淳字存古踰險遐哉尼父余敢對揚以上詳南遷譯史

允彙子也七歲能詩文年十三擬庾信大哀賦才藻橫逸魯監國授中書舍人監國航海完淳拜表慰問爲避者所

得時亦因子龍事下獄賦絕命詩遺母與婦臨刑神色不

變年甫十八云攷曰完淳遺母詩曰孤兒哭無淚山鬼日爲鄰古道麻衣客空堂白髮親循陔猶有

夢負米竟何人忠孝家門事何煩問此身遺婦詩云憶昔結縡日正當探甲時門楣齊問閭花樹夾旌旗問寢談忠

孝同胞學唱隨九原應待汝岐曾字雍曠太學生少時與

珍重腹中兒以上詳史外兄嗣曾齊名爾毅字似之石麒麟子也被執慷慨無撓

字彥林棟之從兄也同日受刑爾毅妻孫氏梅妻徐氏並殉之又殷之輅張寬戴武功周長吉

及曰武功疑卽戴之
備長吉疑卽周謙

以下數十人不可詳皆以匡子龍死者也惟沈廷揚則死於海師之潰時張名振張煌言馮京等既雜降卒中逸去廷揚歎曰風波如此其天意邪吾當以一死報國然死此無名乃呼謂游騎曰吾都御史也可解吾之南京洪承疇與有舊使說之薙髮廷揚曰誰使汝來曰洪經畧曰經畧死松山之難久矣安得尙有其人邪與部下十二人同日被刑其親兵六百人斬於蘇之婁門無一降者時比諸田橫之士云舟山人聞廷揚之死也哭聲如雷就地立祠祀焉

焉

按曰魯紀畧謂廷揚於壬辰春引舟師出福山口
敗死與諸書不合今按魯紀畧多舛謬不足信

明 岑本高等攻浦城敗死

本高與王思春江中英江中元張文耀朱國貞劉國球等同攻浦城有原任監軍吳承昊徐元毛文傑張裔元約爲內應已而本高等敗死國貞降盡洩承昊等謀遂皆見殺已亥我

大清兵取明安化遂取新化

降將王光泰以襄陽叛我

大清復歸於明

光泰鄖陽總兵光思之弟也光思投誠後以原官留鎮鄖陽其弟副將光泰屯宜城嗣光思爲道臣李之綱所討逮問光泰遂據襄陽以叛自稱鎮武伯用永曆年號殺我荆

南巡道甘文奎進謁鄖陽結陝西賀珍武大定爲

督孫定遠亦降將也聞變率兵援鄖陽馬蹶沒於河我侍
耶喀喀木會光化副將王平渡河進討光泰走房縣尋走
四川

明太常寺少卿程源以罪削職

源之由楚入黔也假稱三省總督兵部右侍郎沿途賣官

贓私巨萬巡按御史錢邦芭疏參之王震怒削職逮問

明郎西王常潮復建甯其將王祁復邵武

攷曰按世表郎西王爲益宣王庶子

帝湖於萬曆二十五年薨襲封者無攷
茲據東華錄爲常潮其常湖之弟與

祁營山中取民間几案數百懸大線香黑夜順流環城而
過守者謂祁兵且薄城礮石大下遲明方知其偽習之不

疑一日祁突至遂破

攷曰魯紀年謂鄆西王復建甯而後陸榮紀事本末云瀘溪貢生魏一柱

守瀘溪久不下降將王得仁令族瀘之丁傳魏三姓一柱

遂棄妻子走閩襲破將

崇濬永西德化與安諸王攻克建甯

王師圍而攻之五閩月始破一柱與諸王俱死之與

安王以先事出獲免不言

鄆西王疑當日宗室流離軍中甚多不可悉數紀事者

各就所聞著之篇耳

明朱成功復海澄

初貝勒統馬步兵突至安平鄭芝豹等斂眾揭賞財子女於巨艦棄城泊外海成功生母翁氏持劍不肯去

大兵入翁氏拔劍剖腹死成功聞報擗踊號哭縞素率師至貝

勒見船隻塞海退回泉州成功尋合鄭彩楊耿兵入海澄

破九都

攷曰某氏賜姓始末謂北兵大肆俘掠成功母亦被淫白縊死成功大恨用夷法劊其母腹出腸瀝

穢重納之以殮

五月福建江西大水
攷曰行在陽秋云戊午福建江西大水按大水非地震可日紀比也故條之五月

辛丑朔我

天清兵取明新安

庚戌揚州地震

甲寅明改武岡州爲奉天府以周鼎翰爲東閣大學士同劉承胤入直

明以貴州總督李若星爲吏部尙書

壬戌明魯鄭彩復長樂

癸亥我

天清克龍陽明總兵楊國棟敗走

甲子我

大清兵取明常德

明劉承胤兵掠於桂林

承胤兵譁索餉瞿式耜搜庫藏捐囊金與之不足夫人邵氏則又捐簪珥數百金與之譁如故素與焦璉兵主客不和乃交鬪掠市而去式耜榜誅二十餘人疏劾承胤馭兵無狀

乙丑我

大清兵再攻桂林明留守瞿式耜與總兵焦璉禦卻之

時三王兵將抵桂林偵知城中兵變猝薄城環攻文昌門吏士失色式耜與璉分門嬰守用西洋銃擊中騎兵

王師稍卻璉乃開城出戰殺數十人自辰至午不及餐式耜括
署中米蒸飯親出分哺將士益樂用命向晡雨未息收兵
明日復出戰璉奮刀衝陣

王師棄甲仗而奔拔將馬之驥既隔江發大礮助聲勢卽疾馳
渡江遇

王師間道從栗木嶺來者運槩提轆連斃三人遂大北追奔二
十里我定南王孔有德望虞山樹木疑爲兵焉璉久駐桂
得桂人心式耜以國土遇之故能得其死力

戊辰我

大清兵取和平明知縣李信死之

明副將周金湯復永州

金湯字憲洙蒲田人以武進士選上湖守備擢永州都司
糾壯士二百人夜復永州

明以御史魯可藻巡撫廣西

可藻和州人以明經授新城縣有聲擢御史巡按廣西與
瞿式耜協心守禦焦璉歎曰文官如此何敵不克徒令吾
儕武夫愧死耳式耜上其功授是職

明論保桂林功晉瞿式耜少師兼太子太師封臨桂伯式耜
疏請返蹕全州

論守桂功封式耜臨桂伯疏辭曰本朝文臣封拜自王戚
甯王新建外指不多屈或憐臣死守孤城破格以行鼓勵
其如貽笑四方何不許再疏請告曰自移蹕之後凡百有

六日矣此百六口中遇敵兵者二遇兵變者一皆萬死而無一生之望者總辦一死字亦遂不生恐怖不起愁煩惟是臣之病不徒在身而在心不徒在形而在神身與形之病可療也心與神之病不可醫也臣所依恃者皇上皇上駐全猶有見天之日今幸武岡臣復何望王制於承厝不能從也

我

大清兵復取海口明魯平彝伯周鶴芝退守火燒嶼參謀林籊舞總兵趙牧死之

六月庚午朔明督師何騰蛟入朝詔以趙印選胡一青兵隸之駐守白牙市

騰蛟入謁王及太妃皆召見慰勞再三初騰蛟薦劉承胤
由小校至大將稱門生已漸偏肆騰蛟在長沙時以藤溪
之捷奏加張先壁援勦右將軍郝永忠援勦左將軍承胤
怒馳入黎平執騰蛟子索餉數萬騰蛟度不能制乃爲之
請得封定蠻伯且與爲婢旣入衛全州爵安國公勛上柱
國賜尙方劍翻嫌騰蛟出己上自請爲戶部尙書專領餉
務且以長沙失守奏解騰蛟兵柄王弗許遣中使密召騰
蛟爲計然騰蛟固無如何且無兵命以雲南援將趙印選
胡一青兵隸之守白牙市及辭朝賜銀幣命廷臣郊餞承
胤伏甲將襲之印選一青力戰殲其衆承胤諱之王亦不
能問也

明命何騰蛟駐衡州加堵胤錫東閣大學士賜尙方劍總督
江楚軍務駐長沙

總兵張先壁自江西潰入楚衆猶數萬請入朝且劾承胤
專擅承胤懼乃請命騰蛟駐衡州督師堵胤錫復疏劾承
胤且及截殺騰蛟事而高必正李赤心之衆亦欲就食湖
南承胤益懼計非胤錫不能制之乃加胤錫大學士賜劍
便宜從事駐長沙時衡州長沙俱失騰蛟胤錫但擁虛號
而已

明監國魯王攻漳州不克

明監國魯王以錢肅樂爲兵部尙書

初肅樂之解兵也閩使召之以嫌不赴及江上破由海道

入闕疏陳越中十弊爲戒隆武帝優詔答之以右副都御史召未赴而闕中破與諸弟避地福清採薯爲食嘗夜涉絕谷足盡裂無已則祝髮爲僧嘗題壁云一下猛想時身

世不知何處數聲鐘響裏歸途還在這邊識者謂非縉流語漸有從之問學者乃賴其脩脯以自給既聞鄭彩扈監

國來往諸島禡牙舉事乃入覲時從亡諸臣之在側者熊

汝霖馬思理孫延齡思理位汝霖上同直閣延齡卽嘉績

子年尙少

攷曰此非吳三桂所殺之孫延齡

彩自署兵部及肅樂至推以

自代肅樂泣陳無功請以侍郎行部事不許因疏言兵部

之設所以統理羣帥歸其權於朝廷今雖未能盡復舊制

然當申明約束使臣得行其法不相凌辱可乎國家多難

大帥往往檢敗爲功江干王之仁報捷諸書其餘習也臣願海上諸臣持勿欺二字以事主上可乎臣在山中有感臣忠義願攜貲來投者有願奪降臣家財以充餉者聚之可數百人藩臣入關當驅臣兵爲先鋒但願諸臣少存部臣體統一切爭兵并船不相加遺以爲朝廷羞可乎敘功之舉往往及官而不及兵誰肯致死請凡兵有能獲級奪馬者竟授守把等官可乎近奉明旨江上之師病在不歸於一今宜以建國公爲元戎登壇錫命令平彝圖安蕩湖諸鎮選擇偏裨或爲先鋒或爲殿後合而爲一弗令異回其次則編定什伍弗令雜然而進雜然而退孟浪以戰則庶乎歸於一矣得旨允行又疏言主上尤臣前疏委任建

國則兵出於一矣復命建國合挑各營之兵選其健者請自今以往停止一切封拜特懸一印令於衆曰有能爲建國所挑之兵先鋒立功不論守把等官竟與掛印至各藩私兵請各懸一印曰有能將本營所挑之兵立功者竟與掛印如此則奇傑之人至矣監國以爲然於是兵威頓振先後下三十餘城

秋七月甲辰明大學士陳子壯起兵九江邨會給事中陳邦彥共攻廣州敗績

子壯起兵九江邨兵多蠻戶番鬼善戰乃與邦彥約共攻廣州結故指揮楊可觀等爲內應事洩可觀等死子壯退駐五羊驛時李成棟方攻張家玉於新安邦彥與子壯

伏兵禹珠洲側伺成棟還救會城縱火焚其舟已軍以青
旂朱旂爲號如其計果焚舟數十成棟走下風引而西邦
彥尾之會日暮旗幟不能辨陣動風忽轉成棟順風返擊
遂大潰子壯長子上庸戰沒走還九江邨邦彥奔三水
明宣國公焦璉復陽朔遂復平樂

王師再挫而廣東又爲陳子壯張家玉陳邦彥所擾式耜命璉
乘之復陽朔平樂

明思恩侯陳邦復梧州

魯可藻復賀縣富川引兵至平樂與焦璉兵會陳邦復由
資柳及潯州我巡撫耿獻忠遁遂復梧州梧州興陵之所
在也瞿式耜疏言粵西全定請昭告陵寢還蹕桂林

明縣丞徐定國復懷集

定國舊爲懷集縣丞城破匿山中不薙髮以計復城

汝口本東

明問
見錄

明兵部右侍郎湖南巡撫章曠卒於軍

長沙之失也何騰蛟走衡州曠亦走寶慶尋至祁陽與騰蛟會騰蛟將謁王武岡乃以兵事屬之已復移駐永州見諸大將擁兵聞警輒走抑鬱成疾徇永安卒於軍

明監國魯王次長垣會鄭彩尉瑞周鶴芝阮進之師攻廬州敗績

明朱容藩反

容藩由辰州至施州僞稱楚王世子天下兵馬副元帥

適鄖陽守將王光興爲

王師所敗無所歸不知其僞也以其衆二萬人附之李占春于大海雨將亦附焉

王師由重慶順流下是月十一日睿藩命占春大海截擊於萬縣之湖灘

王師失利走川北睿藩得三營兵益恣肆遂稱監國鑄副元帥金印佩之改忠州爲大定府號府門爲承運門稱所居爲行宮設祭酒科道鴻臚寺等官封王光興李占春于大海楊朝柱譚宏譚文譚詰楊展馬應試爲侯伯以張京爲兵部尙書程正典爲四川總督朱運久爲湖廣巡撫時干戈阻道文告不通故諸將爲其所惑惟京正典運久實爲腹

心焉

己酉明前福建提學道毛協恭被執於建甯不屈死之

協恭字端甫武進人崇禎庚辰進士知甯德縣南都投陝西道監察御史隆武帝立命提督福建學政

王師之入閩也協恭適試士興化聞變痛哭躍入水遇救不死轉徙泉州建甯閩土寇發力疾趨崇安在道爲

王師所執大帥欲降之協恭厲聲曰若亦知毛提學乎尙奚道

乃被殺妻周氏與其子女躍水死僕鄒良王大郎亦死

本傳大

文集

八月己巳朔明以戶部侍郎嚴起恆爲東閣大學士

起恆山陰人崇禎辛未進士除刑部主事歷員外郎出知

廣州遷衡永兵備副使十六年獻賊躡湖南吏民悉遁竄起恆守永論門吏鼓吹如常永人恃以安去者復還賊亦不至左良玉犯闕總督何騰蛟赴水不死奔長沙集僚屬盟誓起恆主轉粟以贍民食閩中擢戶部右侍郎總督湖南錢法王卽位命兼督軍餉謁王於武岡起恆面闕身高有異相縱談時務王大悅故有是命

丙戌明監國魯王遣兵襲連江

戊子我

天清兵克高明明督師東閣大學士陳子壯御史麥而炫主事朱實蓮皆死之

而炫字章開高明人由進士歷官上海安肅知縣閩中擢

御史竇蓮字子潔子壯同邑人由舉人歷官刑部主事子壯之在九江邨也而炫礮高明具書迎之子壯以竇蓮攝縣事城陷竇蓮戰死械子壯而炫至廣州佟養甲李成棟怒子壯寸磔之投骨四郊遍召廣州諸紳坐堂上觀其受刑以懼之而炫從死而張家玉首適至李覺斯在坐請審視恐爲所欺養甲曰視此貌清正固是義士必家玉也已而成棟養甲降於明王乃贈子壯太師番禺侯以養甲爲諭祭使養甲愧欲死後爲成棟子元胤所殺先數日恍惚見子壯抽矢射之云

明廣州

李皇一舉人杜璜攻擊慶敗死

庚寅明朱成功會師泉州之桃花山泉州在籍御史沈佺期

光祿寺卿林橋升主事郭符甲推官諸葛斌起兵應之進攻泉州不克

鄭鴻達謂成功曰安平彈丸無險要可恃吾助汝攻泉州成功乃令他將守海澄而自九都回會鴻達師於泉之桃花山佯期等起兵應之我提督趙國祚逆戰而敗進逼泉州每攻城輒爲溜石寨參將解應龍所援成功謀之鴻達僞爲攻城者而遣部將桑一筠杜輝襲其寨伏兵中途邀之應龍中伏死寨亦遂破國祚初輕成功聞應龍死始晝夜巡防西門守將楊義與諸葛斌通適國祚召義守東門斌不知夜率衆逼城全軍俱沒鄉宦郭必昌之子顯謀內應事洩一門十三口遇害

放日臺灣外紀云顯有愛姬春妙利顯母黃氏珠珥投國祚乞

棟所藏皮箱一願首告差兵往擣惟有空室衆駭異存姓
指後園井中旁石是門闌之果一大文全家在焉共一十
三口殺之春姊拾皮箱亦爲衆所殺於是夜禁益嚴漳州守將王進聞泉被

圍將往救總兵楊佐以未奉總督令阻之進曰此謂存亡
則齒寒也分其衆爲三隊詐稱合潮州援兵數萬直搗安
平成功乃分兵守刺圍潭尾自率衆據五陵合鴻達齊其
將林順洪政攻城王進偵知大路聯營乃乘夜由冷水井
過何坑出南安突至泉州城下洪政一戰而敗鴻達遁回
金門成功亦退後謀知進兵才千五百人成功大悔伏兵
邀之不及成功歸安平前浙江巡撫盧若騰進士葉翼雲
舉人陳鼎來謁成功待以上賓又海澄人甘嫻漳浦人藍
登南安人施郎與其弟顯俱來歸乃練兵積餉以爲後圖

馮佺期字雲又崇禎癸未進士後卒於臺灣橋升崇禎丙子舉人符甲亦癸未進士斌字士倫皆泉州人

辛卯我

大清兵進逼明奉天府桂王出奔壬辰劉承胤舉城降大學士吳炳兵部尙書傅作霖等死之

王師破常德寶慶且逼奉天王召承胤謀之佢言我兵多敵決不來王疑而察之則承胤已密議投降乃與輔臣吳炳議由古泥幸柳州二十四日午後

王師忽至城南時守兵皆在城北倉卒不能支一戰而敗官民斫北關棄釜鎗而走王與兩宮倉皇出奔至二渡水車駕甫過而浮橋遂斷錦衣衛馬吉翔步從重賞覓小舟三宮

並載中宮嫡妹與王皇親母同輿出城竟不可蹤跡承肩
初猶大言吶喝及乘輿出城遂迎降大學士吳炳奉命扈
世子走城步既至而城已爲

王師所據被執送衡州炳不食自盡於湘山寺傳作霖武陵人
由鄉舉仕閩中大學士蘇觀生薦爲職方主事監紀其軍
觀生沒依何騰蛟於長沙改監察御史王在全州擢兵部
左侍郎掌部事尋進尚書從至武岡夙與承肩善故得驟
遷及承肩將降作霖勃然大罵曰吾始以汝爲人汝挾天
子作威福惟所欲爲致天子蒙塵罪已不容於死擁兵數
萬竄餉十年平日誇謂天下莫當今議降真狗彘不如也
承肩不顧

主師入城作霖冠帶坐堂上承盾又與偏沅巡撫傅上瑞勸之降作霖唾其面遂遇害妾鄭氏有殊色被執過橋躍入水中死同時殉難者吏部主事侯偉時公安人崇禎中進士與吳炳同被執不屈死長沙僉事趙廷璧內鄉人率妻古氏子燦子婦馬氏俱自盡布政司參議增峨劉佐荊州僉事邱懋樸俱遇兵死

明叛將劉承盾以我

大清兵追明桂王於古泥關參將謝復榮力戰死之晉迎扈總兵商邱伯侯性爵爲祥符侯

初承盾逆狀已著皇太后刺血寫詔召駐劄古泥關商邱伯侯性入衛性遣部將謝復榮以五百人迎扈既聞承盾

以
師至復榮偕馬吉紹率王及三宮斬關出相距三里復榮請
王疾馳而身自斷後死戰與五百人俱歿於王家堡總兵
王景熙亦死之王徒步三十里體重足疲已瀕於殆性率
兵奄至請王御小輜先發陳兵峽口承肩乃引去王已兩
日不食宮眷狼籍泥淖中饑無人色性供帳儲備王甚喜
抵古泥晉封祥符侯承肩之降也移營及眷口至武昌後
以部將陳友龍中途反正常事疑承肩與通明年四月并
其眷口皆伏誅

我

大清兵取沅州明偏沅巡撫傅上瑞降

上瑞武定人爲武昌推官何騰蛟薦爲長沙僉事騰蛟之
集僚屬盟於長沙也以上瑞掘偏沅巡撫勸騰蛟設十三
鎮卒爲湖南大害性反覆棄騰蛟如遺武岡破遂降踰年
金聲桓事起當事者慮其爲變與劉承胤並誅死

我

大清兵克黎平明總兵蕭應

攷曰一作曠死之

應武昌人以諸生爲劉承胤坐營參將何騰蛟題爲總兵
官守黎平承胤令陳友龍招之降不從短兵接戰力竭自
劉死友龍遂盡劫騰蛟眷屬以去

明王祥復遵義

攷曰楊在朱容藩亂蜀本末云七月十三日錢邦芭使王祥復遵義

九月己亥朔明桂王次靖州

武岡之變楚中諸臣不知乘輿所在督師堵胤錫與巡按

御史熊

麟議立榮王

攻曰按明史榮憲王由楊堯子慈

溪是王名慈炤也而東華錄載孔有德奏云榮王朱由楨豈慈炤死而由楨襲封歟由楨疑是由楊兄弟於辰

州寓書於前閣臣熊開元以中興元輔相期開元答曰今

日所急在戰守不在立君乘輿所向未卜萬一或有參差

魯唐近轍何可再尋乃止

我

大清兵克清遠明兵科給事中陳邦彥指揮白常燦生員朱學

熙死之

邦彥之奔三水也清遠指揮白常燦以城迎奉乃入清遠

與諸生朱學熙嬰城固守精銳盡喪外無援軍城破常燦

死邦彥率數十人巷戰肩受三刃不死走朱氏園中見學
熙自縊拜哭之旋被執饋之食不食繫獄五日被戮事聞
贈兵部尚書諡忠愍蔭其子爲錦衣衛指揮初李成棟於
廣州之圍俘敗卒械送巡撫佟養甲訊知謀出邦彥以輕
兵襲其家執其妾何氏及二子和刃虞刀令爲書以招邦
彥邦彥判書尾曰妾辱之子殺之身爲忠臣義不顧妻子
養甲壯焉頗以善遇李皇一杜璜之死於肇慶也邦彥之
妻子始被殺焉

明川北總督李乾德以袁韜兵駐重慶

先是崇禎中川賊姚天動黃龍聚黨劫掠巡撫陳士奇令
營將趙榮貴擊破之擒其渠魁馬超一斗蘇代天玉等二

十餘人姚黃走脫他徙而沔縣人袁韜因姦婦事發投響馬賊馬潮呼九思等繼姚黃而起獻賊之入蜀也乘勢據蓬州儀隴南部久之分爲十二大隊歲餼以人爲食

王師破之於遂甯潮九思走死韜以餘衆歸樊一衛故巡撫李乾德者西充人奉命總督川北少遇異人授天書善占驗諸將中惟許韜與武大定大定亦小紅狼別部反正者也乾德欲與就功結二人爲心腹適李占春等有湖灘之捷韜亦返闕入佛圖關取重慶奉乾德駐之

庚申明監國魯王遣兵復羅源又復連江

時海師破山鶯龍門高公諸島連破羅源連江於是長樂永福閩清諸城皆下

明南海諸生欽浩通於舟山事覺前南昌知縣劉暉死之

暉字公旦長沙人崇禎癸未進士授南昌縣未赴而蘇州

破避居鄧尉山南海諸生欽浩通款舟山疏吳中忠義之

士二十三人以暉爲首遊騎獲其書上之巡撫土國寶乃

逮暉不宥屈膝詰之曰爾反乎曰誠有之愧事未成耳然

暉實不識欽也檻送金陵卒不辨時顧咸正夏完淳之徒

皆在獄中縱橫詩酒赴市同刑者三十餘人

攷曰本劉公死兼記

冬十月戊辰朔明桂王如柳州大學士瞿式耜疏請還蹕桂

林

王在沙泥潭何騰蛟率滇兵入衛大學士嚴起恒亦自萬

屯來會百姓獻雞黍土司獻金刀王慰勞之式耜道人間

道齋疏請由古泥還象州入桂林極言不可他移一步漠
黔地荒勢隔忠義心渙三百年之土地僅存粵西一綫返
蹕收復號召聯絡粵師出粵以恢江贛楚師出楚以恢武
荆且粵西山川形勝兵力人情俱有可恃既聞駕幸柳州
乃增將吏備餼糧車馬表請還蹕王諭曰西陲朕根本地
先生竭力守此異日國家再造先生功實多

明大學士瞿式耜再疏請還蹕桂林

王師已定湖南南安侯郝永忠自永州退入桂林疑主客不相
容而式耜加禮撫慰永忠樂爲之用宜章伯盧鼎亦至時
督師何騰蛟大學士嚴起恆御史劉湘客咸在桂林與式
耜議分地給諸將俾各自爲守式耜疏言柳州猶篋雜處

地瘠民貧不可久駐處遠壤鄰黔粵南甯地逼交夷不可
遠幸邇來將士瞻雲望日以桂林爲杓樞道路臣僚疲跣
重繭以桂林爲會極江楚民情以桂林爲拯救之聲援騰
蛟與永忠鼎璫分防住汛可圖恢復不聽

辛未太白經天

丁丑明土司覃鳴珂與守道龍文明鬪於柳州桂王走象州
鳴珂土司覃裕春子也與道臣龍文明相仇殺攻陷柳州
文明走鳴珂大掠矢及王舟王倉卒南走會陳邦傅子禹
玉以二千人送駕始復次象州

明兵部尚書張家玉與

大清兵戰於增城敗績死之

王師攻博羅家玉走龍門募兵萬餘人分爲龍虎犀象四營據
增城李成棟以步騎萬餘來擊家玉三分其衆倚深溪高
崖以自固大戰十日力竭而敗圍數重諸將請潰圍出歎
曰矢盡礮裂欲戰無具將傷卒斃欲戰無人烏用徘徊不
決以頸血濺敵人手哉徧拜諸將自投野塘死年三十有
三事聞贈少保武英殿大學士吏部尚書增城侯諡文烈
同時死者指揮靈璧安宏猷戰死訓導程鄉張治舉人張
恂尹斌自縊死家玉之師林洵與家玉同謀起兵者臨刑
吟詩曰願積當年李侍郎遺言謝世報高皇獨憐一片忠
精骨不死沙場死法場

我

大清兵取全州明守將王允成唐文曜守道馬鳴鸞皆降

耿仲明既破永州進攻全州王蔣二鎮禦之黃沙河失利

師遂渡西河浦何騰蛟遣總兵何有奇援之不及城陷文武

官皆降

攷日本陽秋王蔣二鎮失其名

我

大清兵克辰州明榮王由楨死之

攷曰鄧顯鶴沅相者舊集載唐山九官詩有別熊巡按

周督學二師屬於辰州均能以節義著詩湖南通志不載換此詩尚存其姓

我

大清兵克黔陽明閣部李若符翰林院待詔邱式耜死之

式耜字祈年沅州諸生嘗倡義團練禦賊有功徒步詣

行在上書授翰林院待詔持節招勦鎮會若符駐黔陽喪

衣大帶見我總鎮徐勇於辰州被執送武昌黔陽破若符
死

世祖章皇帝命宥式耜而式耜志必死爲文自祭云以汨羅之
水首陽之薇致祭於邱君之神云云因被殺

命下已無及矣若符事未詳攷曰式耜見沅湘耆舊集此於時日不可攷姑以事夫之

我

大清兵入明興安白土關

明監國魯王以馬思理爲東閣大學士林正亨爲戶部尚書
沈宸荃爲工部尚書余颺爲左都御史

明監國魯王召前廣東副使吳鏗密爲通政使

鍾謐字峻伯號舜山學者稱爲霞舟先生武進人崇禎甲

戊進士歷桂林推官南都授吏部主事抵南雄而金陵亡
子福之以起兵太湖死鍾繼轉赴閩中由原官轉員外郎
痛陳國事時宰不悅鍾繼曰天下分崩資羣策偷恐不支
尙欲拒人言邪隆武帝以鄭氏專恣欲往贛州鍾繼曰閩
海雖非立國之區然今日所急者選鋒銳以復南昌聯絡
吳楚以得長江舍此他圖關門一有騷動則全閩震驚矣
隆武帝不悅出爲廣東副使未行而閩又亡迹跡海濱憤
士大夫多失節因作十願齋說寄意效曰十願齋說一曰
吾願子孫世爲儒不
願其登科第再曰吾願其讀聖賢書不願其乞宦於西
竺之三車終曰吾願其見危授命不願其偷生中世錢
肅樂疏薦鍾繼與故太僕卿劉沂春監國以沂春爲右副
都御史鍾繼爲通政使初猶不起肅樂貽以書曰時平則

高洗耳世亂則美褻裳司徒女子猶知君父東海婦人尙
切報仇嗟乎公等忍負斯言鍾審亦翻然曰出固無益然
不出則人心遂渙濟不濟以死繼之乃就職疏言今遠近
章奏武臣則自稱將軍都督文臣則自稱都御史侍郎三
品以下不屑署也至所在游食江河者則又假造符璽販
鬻官爵偃臥邱園而云聯師齊楚保守僕御而云聚兵十
萬以此聲聞徒致亂階請自後嚴加核實集兵則稽其軍
籍職官則考其敕符監國是之晉禮部尙書原官如故兼
督學政從監國幸浙所至錄其士之秀者見諸監國人笑
其迂鍾審曰濟濟多士維周之模可以亂世而失教士邪
時浙中遺臣盡出林岫爲吏科給事中黃賓爲吏部考功

郎中

徐勣曰同召者有劉沂春何以不書無所表見也自侍郎以下升擢既黜悉不書或以其人書或以其事有關大局也亦書所謂春秋無達例也鍾密嘗集累朝忠義上自夷齊下迄遼國名曰歲寒松柏集爲客問一篇弁其首其說與蘇譔紀年之旨相昭合也增錄之以告來者焉其畧曰客有問云諸君子之死節誠忠矣然無救於國之亡也予何述焉應之曰子不云乎歲寒知松柏歎知之晚也夫諸君子皆公忠直亮之臣較然不欺其志者也臨難而能斷其操必投命而能盡其職使人主早知而用之用爲宰執則如中國相司馬而遼邊息誓用爲諫議則如漢廷爲汲

然而淮南寢謀用爲鎮帥則如軍中有范韓而西賊破膽
安得有亡國事乎惟不知而不用且用之而不柄用且懼
其方正而疏之惑於讒佞而斥之甚且錮其黨而並其同
道之明一空之於是高爵厚祿徒以養庸庸貪鄙之輩
相與招權納賄阻塞賢路天下之事日就敗壞而不爲補
救及其亡也奉身鼠竄反顏事仇嗟嗟烈女不更二夫况
漢陳席於手刃其夫之人乎若輩之肉尙足食邪又問曰
諸君子之抗節者誠清矣曷不死之應之曰記曰謀人之
國國亡則死之謀人之軍軍敗則死之諸君子皆不柄用
未嘗與謀軍國事易曰介石不終日儉德避難夫安得
死之守吾義焉曰然則恢復可乎曰事去矣是非其力

所能及也存吾志耳志在恢復環堵之中不污異命居一室是一室之恢復也此身不死此志不移生一日是一日之恢復也尺地莫非其有吾方寸之地終非其有也一民莫非其臣吾先朝之臣終非其臣也是故商之亡不亡於牧野之倒戈而亡於微子之抱器宋之亡不亡於皋亭之出壘而亡於柴市之臨刑國以一人存此之謂也子謂空言無補將謂春秋之作曾不足以存周乎客乃慨然而退

明魯大學士劉中藻起兵攻下福甯

先是隆武帝殂於汀州其總兵官涂登華尙守福甯拒監國命中藻移師攻之登華欲降未決謂人曰豈有海上天子舟中國公錢肅樂曉以書曰將軍獨不聞南宋之末二

帝並在海上文陸並在舟中後世卒以正統歸之而况不爲宋末者乎今將軍死守孤城以言乎守義力已盡也以言乎保身策未善也據沸鼎以稱安巢危林而自得何計之左邪登華遂詣鄭彩降中藻兵盛彩心忌之既受登華降使私人守之中藻愠不可監國使大學士沈宸荃解之彩亦不聽

臣鼎曰不曰復福甯州何涂登華爲閩中守將閩中亡而登華私守之與歸命

大清者異矣故不言復也登華降矣然則何以不言降登華降

於鄭彩非降於中藻其實中藻攻之而後降也故歸功中

藻也

政曰福甯府志云順治四年八月海寇鄭率卒兵圍城五年正月知縣錢楷奉假印出降自以真印遞向

省海寇入城稱監國魯僞將軍撫院等官十月十三日
安進士劉中藻來圍州城七閩月城中米價每石十兩後
中藻於龍首山設松木爲礮亂拋城內至次年四月初六
日城陷州尹朱不服被殺中則無涂登華事而如府志所
云彩稱監國魯僞撫院云云不當有劉中藻未攻之事疑
是彩棄而不守登華入守之又下奉監國詔故中藻攻之
所云州尹宋者蓋與登華同守之人府志因涂登華非我
朝命官削不載宋州尹之有姓無名亦諱之也觀州志
云中藻不知天命有歸抗拒王師是亂賊也謂爲忠
義可乎特爲削之云云是志書於當日中藻義兵事削者
多矣剛志之以見傳聞異詞之有由也采與彩同音字

明監國魯王以前尙寶寺卿李向中爲兵部侍郎巡撫福甯
向中號立齋鍾祥人崇禎庚辰進士知長興縣調秀水大
革清弊內遷車駕司主事至淮上而國亡南都進職方郎
中巡視浙西嘉湖兵備副使調蘇松甫至而南都又亡松
江沈猶龍之起兵也向中預之兵敗走入浙尋入閩閩中

授尙寶司卿闕亡奉父母居海濱劉中藻招之同朝監國
授是職卽監中藻軍扼沙埕時兵戰屢勝而多不戢海上
居民謠曰長髯總兵黥面御史銳頭中軍有如封豕我父
我兒交臂且死向中曰是非所以成大事也中藻曰是爲
監軍之任公何嫌焉向中乃持節召其中軍將欲斬之中
軍將訴於中藻中藻曰汝今乃遇段太尉也自是軍士始
戢向中在行間衣短後衣縛袴裙遍歷諸舶加慰勞鯨人
蜚戶勉以故國之說使量力輸助而無所掠福甯一帶依
之如父云

明中書舍人陳世亨起兵復瑞安敗績死之

攷曰釋史謂世亨以一旅復安

固按明史地理志閩浙兩省無安固縣惟瑞安縣在晉時爲安固縣釋官家不審史來體例妄用古地名此類甚多今悉

之正

有鄧藩理者與世亨以一旅復瑞安援兵不繼被執不屈死

明魯兵部右侍郎林汝翥吏部員外郎林塗起兵復福清敗績死之

汝翥字大歲福州人以鄉舉知沛縣天啓時緝妖人王普光黨有功以忤閹削籍歸南都授雲南臨流道旋半貶監國徵爲兵部右侍郎總督義師其族人林塗字子野崇禎癸未進士知海甯縣邑有妖人以劍術惑衆能緣壁走伏水中一二日不出聚黨千人聞都城陷將舉事塗捕殺之杭州不守兵士乘亂鼓噪乞餉塗罪其爲首者而如所請

以孤城不能存棄官歸黃道周督師以戶部員外郎司餉
改御史往諭浙西行至贛州召還授吏部文選員外郎從
扈汀州倉卒不能及號慟返匿山中是時郡邑起兵擁之
爲主盜別其父曰兒當死久矣作令城不守當死扈駕事
不終當死若再苟延恐以不令之名貽父母羞乃易履負
戈襍旅徒中攻福清身被數創猶勒兵戰中流矢死汝翁
被執服金屑死盜之友人葉子器者掌營中記室事被執
使作書招盜子器乃揮絕命詞與之亦被殺

明朱成功頒隆武四年戊子大統歷於海上

時道阻未通粵中也從大學士路振飛會櫻議仍稱隆武

四年頒歷用文淵閣印鈐之

攷曰顧炎武集有卷舍人宋見東武四先應詩舍人振飛

長子澤溥也東武四先
蓋隆武四年之隱語也

明監國魯王頒監國三年戊子大統歷於海上

朱成功於監國修寓公之禮而不稱臣錢肅樂奏頒監國
三年歷而成功稱隆武四年如故於是海上遂有二朝肅
樂嘗與成功書獎其忠義勉以恢復故成功不爲忤監國
始愧歎知前此肅樂貳心於閩之謗爲誣也

徐肅曰大書頒歷何粵中有君而海隅二朔易有之陰二
君而一民小人之道也

十一月戊戌朔明桂王在象州

我

大清兵進逼全州明督師何騰蛟督諸軍禦卻之

時瞿式耜與何騰蛟嚴起恆曉夕籌畫調和主客集郝永忠焦璉誓於神前刻期出師宜章伯盧鼎與滇鎮總兵趙印選分路駐全

王師自湖南來騰蛟督諸軍分戰大敗三王兵斬級無算獲名馬駱駝而還諸帥連營閣道亘三百里

王師始退駐湖南

明桂王如南甯道阻不果遂還桂林

天兵再逼梧州王欲自象州往南甯爲焦璉亂兵所阻諸臣皆微服行馬吉翔左右御舟遇淺水輒力挽之王爲之揮淚乃分遣王化澄吳貞毓龐天壽護三宮往南甯而與馬吉祥迺十八灘返桂林逾月三宮達南甯以府署爲行宮供

帳草草方移入時有惡少逼視語出無狀者中宮命執付有司竟以訛傳告免焉

明朱容藩使李占春襲袁韜營執李乾德不克

是月容藩率李占春至重慶會李乾德諷其推戴已乾德若不解者而禮復不相下適長至行朝賀禮袁韜自賊中來素不知禮與容藩同班拜舞容藩怒占春尤不平容藩命占春襲韜並害乾德是夕乾德坐船屋仰視星氣覺有異咄咄謂此主急兵走匿崖谷間頃之占春襲韜不克搜乾德船止一妾一女乃大驚韜聞恐乾德之亡也大哭既迎致卽大喜集兵與占春相仇殺數戰不解容藩走涪州移書川南總督楊喬然巡按錢邦芑請爲兩營解釋占春

亦歸乾德孛於是韜與武大定駐重慶占春營涪州之平西壩于大海營忠州之花凌河爲唇齒容藩不得志於韜

乃私鑄錦江侯印送王祥求其以兵應占春

按曰諸書皆言占春之難

韜由乾德構難此由蜀人惡乾德之殺楊展而凡構難之事皆歸咎乾德實與情事不合楊在朱容藩亂蜀本未成此事極分明今據以爲正

祥以兵出綦江與韜三戰不勝退駐南岸忌占春大海之盛而欲爲好於哀也詐請占春議事伏兵執

之守者懈占春踰垣出殺追者一日夜歸其壩上營祥既

失占春而又爲韜所持軍無糧殺馬而食於明年四月回

遵義

十二月丁卯朔日有食之

己巳明桂王至桂林

瞿式耜與靖江王亨歎

次日當是亨嘉
誅後襲封者

郊迎王念式耜功

高賞薄慰勞備至上殿賜坐以比諸葛武侯裴晉公先是
司禮監龐天壽奉敕催兵久在桂林王坤既被承肩遂復
入自武岡王之幸柳幸象票擬皆錦衣衛馬吉翔手也式
耜勸王攬大權明賞罰親正人間正言五鼓爛衣冠而起
黎明入閣夜分始歸視王動靜王不食不敢先食猶孝子
之事嚴親也各路奏使計道路遠近給口糧四方蠟表月
數至遠人亦以桂林爲歸

明何騰蛟督師全州

郝永忠兵與城外團練兵相惡大掠水東十八邨瞿式耜
歎曰勲帥異懦觀望詎非朝廷之處置無以服其心邪及

騰蛟出督師兵益齟齬焦璉走平樂郝永忠壁興安式相
自咎曰既無以挽政事之得失又無以輯和勲鎮之心在
內在外兩無所得佶佶俛俛搏手奚補哉

效日本劉淵
客留守傳

明御史李長祥主事王翊華夏屠獻宸評事王家勤推官楊
文琦董德欽生員杜懋俊施邦炆謀襲甯波不克夏獻宸家
勤德欽懋俊邦炆皆死之

江上之潰浙東士大夫之樹義旂踞山寨者御史李長祥
之東山寨職方主事王翊之大蘭寨都御史張煌言之平
岡寨御史張夢錫之大皎寨諸生杜懋俊施邦炆之管江
寨都督章欽臣之何山寨爲最著主事華夏善長祥推官
楊文琦善翊大理評事王家勤善懋俊邦炆而評事董志

甯故與夏文琦與於六狂生之禍者也密爲恢復計奔走
聯絡諸寨圖軍事屠獻宸推官董德欽嘗招軍輸餉爲我
海道中營游擊陳天寵仲謨所識屏左右告之曰我二人
故史閣部麾下士也閣部垂死遺言屬我輩必無負明心
實勿忘願無所措力今觀公等非碌碌者且往來蹤跡亦
畧有聞願勿疑當効死力遂從衣領間出閣部遺牒示之
且曰城下有警吾等縛兵備使以應獻宸德欽則大喜用
少牢祀閣部於密室以盟與盟者夏家勤文琦陳仲二將
也已而錢肅樂謁監國於長垣海上諸軍連破閩海州縣
且逼福州

王師之備浙者撤以備閩志甯與夏密計謂此可乘之隙也將

以舟山之師會翊軍下甯波而已以翻城應之復連長祥
軍下紹興則監國故疆可復乃入舟山乞師於黃斌卿不
應憤而歸未幾慈谿有大俠以馮侍郎京第書往來海上
事洩牽連捕夏人獄家勤悉力營救出之旋復謁長祥於
東山長祥曰吾於會稽諸城俱有腹心一鼓可集但欲得
海師以張軍勢夏曰海師不足用也長祥曰此間人以海
師爲望可因其勢用之強夏再入舟山會京第亦在坐力
贊之斌卿曰我軍弱中土之助我者究得幾何夏慨然應
曰吾道已定發不待時何庸以寡助憂將軍至蛟關有范
公子兆芝嘗以徐給事李遠柴樓師會可六百人至鄞江
揚推官文琦嘗以王職方胡大蘭師會可千人王評事家

勤當以施公子邦炆管江師助可三千人張屯田夢錫當以大蛟師助可四百人而屠駕部獻宸當以城中海道麾下陳天寵仲謨二營之師爲內應可千人至慈谿馮職方家植當以子弟親兵會可五百人至姚江則李侍御長暉當已下紹興遲於東山之寨除道以俟而張都御史煌言當以平岡之師會可三百人渡曹江章都督欽臣以仰山之師會可二千人若急移小盪合李侍御軍西渡蕭山尙有石仲芳寨可千人將軍以此衆長驅入杭百里之內牛酒日至何庸以寡助憂斌卿未之信夏益恨語激之斌卿奮拳相向曰吾今聽子倘諸軍爽約則取子肝以餉軍然特強許之而終無出師意無已廢然歸復令文琦往丐京

第等益勸斌卿文琦入日期既屢失事且壞今監司而下
送直指入天台其虛可乘也我當約諸道畢集以待將軍
之樓船東山之兵亦以是日入紹興斌卿乃諾之夏興文
琦家勤飛書發使諸寨響應未發而又爲降紳謝三賓告
變三賓初欲殺六狂生自度爲清議所不容及再降益決
裂刊揭四布自言前此歸命之早後爲王之仁所脅今幸
復得反正見天日然卒不見用乃益思所以徼功以計賺
取夏貽大蘭帛書盡得其詳遂告之大府密調慈谿兵襲
大蘭翊走四明山中調姚江兵搗東山長祥部下驍將章
有功力戰死長祥走奉化家勤見事急奔管江邏者踵至
施邦彞梟還者首與杜懋俊鳴鼓據寨令死士衛家勤入

海乞援我鎮將常得功舟師扼海口而分軍抵管江懋俊
據險關三日矢石如雨夷傷殆盡寨陷猶率家丁力戰中
矢如蝟傷重倚牆斃屍不仆者三日其仲父兆苗被縛斫
其首十二刀而後墜邦焮自焚其營拔佩刀自刎死家勦
於中途被執與華夏楊文琦楊文瓚習獻宸董德欽同下
獄直指使令知府大陳刑具究黨與家勤瞠目無一語夏
慷慨曰心腹腎腸吾同謀也三拷之終不屈方邏騎之四
出也文琦與其弟職方主事文琮御史文瓚都事文球謀
諸野或勸文琦逃文琦曰吾臨難而逃且將陷父於危然
借死無益吾力任之弟輩可入閩也文瓚不可乃獨合文
球變服走文琦就訊但言文瓚不與謀請釋之養父而自

請邀死與夏家勤獻宸德欽同就辟所謂五君子翻城之
獄也或曰五君子者夏文琦邦焮懋俊家勤也而邦焮懋
俊與其仲父兆祉亦稱爲管江三烈楊文階得釋歸三寶
復構之乃復逮辟文琮以通海上趙彪事死文琦以福甯
之不守與閣部劉中藻偕死世又謂甬上楊氏四忠云長
祥翊煌言夢錫志甯終事見後夏字吉甫貢生以倡義功
監國授職方主事家勤字尚一與夏同學齊名授大理評
事邦焮都督翰之子以武世家而爲文諸生懋俊字英侯
邦焮之散財募士也懋俊實左右之獻宸字天生德欽字
若思嘗參孫嘉績熊汝霖軍獻宸授車駕主事德欽授監
紀推官自夏以下皆定海人

攷曰參差遺諸書亦謂此也
子年事而細按時事乃因海

上兵逼福州官兵撤備而汲汲爲是謀且王翊兵敗入四
明山中於戊子春再出破上虞守杜魯是翻城獄乃丁亥
年事行朝錄繫之是年十
二月當得實也今從之

小腴紀年增攷卷第十四

鎮甯宋左夫光伯
奉順林太冲 鵝
福州謝定甫宗善
同里受業汪達利

參校